

Insaniah tambah pelajar asing

INSTITUT Agama Islam Negeri Kedah (Insaniah), sebuah institusi pengajian tinggi agama yang mengadakan program ijazah sarjana muda berkembar dengan Universiti Al Azhar, Mesir menambahkan pengambilan pelajar asingnya tahun ini.

Menurut Penolong Pendaftar (Perhubungan Awam) Insaniah, Muhammad Azki Hafizi Ibrahim, pada sesi pengajian baru ini, pihaknya mengambil 38 pelajar asing berbanding hanya 30 orang pada tahun sebelumnya.

"Sehingga kini Insaniah mempunyai 47 pelajar asing dari China, Singapura, Thailand dan Indonesia," katanya.

Secara keseluruhan, jelasnya, pada sesi pengajian baru ini, seramai 377 orang pelajar baru akan mendaftar pada 21 Julai ini.

Daripada jumlah itu katanya, 230 orang adalah pelajar perempuan manakala selebihnya ialah lelaki.

Pelajar ini akan mengikuti pengajian Sarjana Muda Usuluddin, Syariah dan bahasa Arab.